

Goibekokale

ELGETA / Barikua / 2002ko urriaren 11 / 113. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95


Repsolen gas biltegia, Gipuzkoako hamar enpresa kimiko arriskutsuenen artean

OXEL EROSTARBE

Europar Batasunak enpresa kimikoei dagokionez duen sailkapenaren arabera, Gipuzkoan 10 dira segurtasun aldetik arriskua duten enpresa kimikoak. Hauetatik 6 arriskutsuak dira eta 4 arrisku txikiagoak. Azken hauen tartean dago Repsolen gas biltegia.

Gure etxebizitzetara heltzen den gasa banatzeko, gas biltegia du Repsolek industrialdean. Segurtasunari dagokionez, Gipuzkoako 10 enpresa kimiko arriskutsuenen artean dago. Hala dio Europako Batasunean enpresa kimikoen segurtasuna arautzen duen Seveso II arteztarauak. Biltegiak eztanda egin edo suteak izanez gero dira arriskutsuak. Arriskuak eragozteko araudi bi bete behar dituzte: gas biltegiarena eta istripu larrien ingurukoa. Lehenak arriskuak eragozteko egiten diren azterketak arautzen ditu eta bigarrenak, istripua izanez gero hartu beharreko neurriak.

BESTE ENERGIEN BESTEKO ARRISKUA
Miguel Angel Pinedo Repsol-Euskadiko arduradunak GOIBEKO-



Ingurumenarendako arriskutsua ez den arren, segurtasunari dagokionez arriskutsua da Repsolek Elgetan duen gas biltegia.

KALERI adierazi dionez, biltegiaren istripurik gertatu ez dadin legeak esaten duena betetzen dute: "Elgetan dugun biltegiak administrazioak eskatzen dituen neu-

rriri guztiak betetzen ditu. Gas instalazioaren ikuskapena lau urtean behin egiten da. Hala ere gure teknikariak ia eguneroko dau- de Elgetan". Gas biltegiak duten

arriskua beste energiek duten parekoa dela esan digu. Istripua gertatuz gero, biltegioko segurtasun balbulak automatikoki ixten dira, eta gasa bertan geratzen da.

Gipuzkoako enpresa kimikoetatik lau arriskutsuak dira eta sei arrisku txikiagoak

Istripurik ez gertatzeko behar diren neurri guztiak betetzen ditu Elgetako biltegiak

Gas biltegiak duen arriskua gainerako energiek duten bera dela esan digute Repsolen

JENTREBISTAK/ KZgunia erabiliko dozu?



LEIRE ETXEBERRIA
14 urte

Ez daukat ohiturarik Interneten jarduteko, baina ondo ikusten dot KZgunia zabaltzia. Ahal izan ezkerro, hara hurreratzen ahaleginduko naiz.



VIDAL TOYOS
67 urte

Ez dakit gauza askorik Interneten gainian. Interneten jarduten dabenendako interesgarria izango da KZgunia. Ez dot uste erabiliko dotenik.



AINZANE ZABALA
43 urte

Ondio ez dot Interneten jardun. KZgunia zabaltzia ondo ikusten dot, Internetekin gauza asko egin leike. Ia ikastaruetan parte hartu neiken.



J. JESUS ITURRIKASTILLO
46 urte

Neuk ez dot Interneten sekula jardun. KZgunia zabaltzia ondo pentsatzen jat; neuk ez dot astirik izango, baina erabiltzen dabenendako ondo dago.



ENERITZ URIZARBARRENA
23 urte

Interneten jardutia ez jat askorik gustatzen. KZgunia zabaltzia ondo ikusten dot. Halan, ez dakixanak mundu hori ezagutzeko aukeria izango dau-eta.

LABUR

Trenbide zaharra ezagutzeko, irteera erretiratuendako

Bihar da azken eguna Erretiratuaren Elkarteak antolatutako irteeran izena emateko. Datorren eguaztenean, hilaren 16an, Maltzaga eta Zumarraga arteko trenbide zaharra ikustera joango dira erretiratuak. Auto partikularretan egingo dute irteera. 14:30ean irtengo dira, plazatik, eta 18:00ak aldera itzuliko dira.

Oraindik izena eman ez dutenek badute aukera. Horretarako, Miren Villarrekina jarri beharko dira harremanetan, lehenbailehen.

**Webgune berri
eta dinamiko
izango du Elgetak**

Urriaren amaierarako webgune berriua izango du Elgetak. Goienak dihardu webgune berriaren, Udalaren enkarguz, eta dagoeneko nahiko aurreratuta dituzte lanak.

Dinamikotasuna irabaziko du guneak eta, gainera, albistegi elektronikoa bat ere izango du. Udaleko albistek zure e-postan jaso ahal izango dituzu, harpidetuz gero.

Ez dago abian, baina las-ter helbide zaharrean aurkituko duzu: www.elgeta.net.

**Eskola Kirola
zerbitzuaren
osagarria**

Eskaintza zabalagoa emateko asmoarekin, Eskola Kirola zerbitzuaren osagarri bat aurrera eraman nahi du Eskola Kirola Kontseiluak.

Kirol jolasen bitartez eskolarren hezkuntzan laguntzea eta jolasean ondo pasatzea bultzatu nahi dute. Ez da beraz norgehiagoka erako zerbitzua.

Saioak kiroldegian izango dira, eta zerbitzuak 18 euroko prezioa du. Interesatuak Eskolako Idazkaritzan eman beharko dute izena urriaren 15a baino lehen.

**Urteko bazkide
kuota kobratzeari
ekin dio Goibekok**

GOIBEKOKALE argitaratzeaz arduratzen den Goibeko Kultura Elkarteak aste honetan ekin dio bazkideei urteko kuota kobratzeari. Bazkide kuota 25 euro da, iazkoaren antzerakoa.

Kontu-korrontea emana duten bazkideek zuzenean bertatik ordainduko dute. Gainerakoei telefonoz dei egingo diete; horretaz Etor Sarasua eta Oskar Askasibar arduratuko dira. Goibekok 125 bazkide ditu eta kopuru horri eustea da asmoa.

**Estampaciones
Intxortak hasi du
denboraldia**

Dagoeneko hilabete inguru darama entrenatzen Elgetako saskibaloi taldeak. Aurten ez da aldaketarik izango Estampaciones Intxortan, iazko jokalariek jarraituko dute taldean. Eibarko Txapelketa asteburuan hasiko den arren, Estampaciones atsedean du bigarren asteburua arte. Aurten ere Liga eta Kopa irabazteko faboritoak dira elgetarrak.

ELKARRIZKETA

JUANJO MENDIZABAL/KZGUNEEN ARDURADUNA

“KZguneak Internetek jokoz kanpo utzi ditueni zuzenduta daude”

O.E.

Azaroaren 6an zabalduko dute kultura etxean KZgunea. Bi hilabetean Internet erabiltzen ikasteko aukera izango dugu. KZguneen programako zuzendari Juango Mendizabalek azaldu digu zer diren KZguneak.

Zein zerbitzu eskainiko ditu KZguneak?

KZgunean bi motatako zerbitzuak eskaintzen ditugu: batetik, Heziketa Zerbitzua deritzona eta, bestetik, Nabigatzeko Zerbitzua. Jendeak Internet erabiltzen ikastea lortu nahi dugu. Lehen pausoa, hortaz, Interneterako hurbilketa egitea da, eta hori Heziketa ikastaroekin lortzen dugu. Behin oinarrizkoa ikasita, nork bere kontura Interneten nabigatzeko aukera ere emango dugu. Bigarren zerbitzua horretan datza, herritarrek Internet erabiltzeko aukera izatean. Zerbitzu hori ematerakoan tutorea egongo da, erabiltzaileek dituzten zalantzak argitzeko.

Heziketa Zerbitzuari dago-kionez, nori zuzenduta daude ikastaroak?

Heziketa Zerbitzuko ikastaroei dagokienez, bi eratakoak daude. Bietan ere Internet erabiltzeko oinarrizko teknikak irakasten ditugu. Arruntak deritzegunak adin desberdinetako jendeari zuzendutakoak dira. Ikastaro hauek 22 orduko iraupena dute. Uda ezkerorretiratuak zuzendutako Nagusi Web ikastaroa ere ematen dihardugu, eta hori hamar ordukoa da.



KZGUNEA

Horiez gainera, beste ikastaro batzuk ere antolatzen dituzue.

Badaude guk seminario praktikoa deritzegunak. Horiek, erabiltzaileen eskaeraren arabera, mota batekoak edo besteak izaten dira. Ordu baten edo bitan Internetek eskaintzen dituen gaiak lantzen dira: banka elektronikoa, erosketak elektronikoa,

lana zelan bilatu, bidaiak...

Zein adinetako jendeari daude zuzenduta KZguneak?

Batez ere, jende helduari zuzenduta daude, Internetek jokoz kanpo harapatu ditueni. Orain arte, etorri diren %60 baino gehiago 35 urtetik gorakoak dira. Internet ezagutzeko aukera aparta dira KZguneak pertsona horiendako.

IRAKURLIAREN TXOKUA

ERREALITATE MANIPULATUA

Gaztiok betiko moduan jarraitzen dogula baiña beste batzuk be ez dira aldatzen. Iraillak 20ko Goibekokaleko artikulua bat irakurri eta berriz be gaztetxian zuzendutako kritikak. Hain zailla da aurpegira gauzak argi eta garbi esatia ala? Indirektaz betetako zutabe bat derrigorra da? Gauzak esateko moduak eta moduak dare, esaldi bateko hitzen ordena egokixakin errealdadia asko illundu leike. Idazliak esaldi batekin jolasten irakurlian iritzixa manipula leike, nahitta edo nahi barik bere ikuspuntua argi eta garbi lagaz.

Tristia da gogoz kontra holako emon hartuko jokuan jautzia, baiña erantzutera derrigorritu ikusi doguz geure buruak. Horregaittik betiko moduan jarraitzen dogulako, zerbait esateko dagonian astero-astero barikutan egitten doguzen batzarretara etortzera gonbidatzen dogu jendia. Gonbidapen berdiña egitten dotsegu gure erabakixak (adibidez: sagardo egunian plazan egon ziran pankartak; "Demokrazia Euskal herriarentzat" eta "Faxismo-ari stop", egin eta plazan ipintzeko proposamena onartzia) zalantzan ipiñi eta gogor kritikatzan ditueni. Pozgarria da, jarrera hori Gaztetxiak inporta dotselako leikela pentsatzia baiña penagarria da, holan ez dala konturatzia.

Gaztetxeo tortillia igual kipulia falta jako baiña beste batzunek gata sobran dauke.

ELGETAKO GAZTETXIA

IRTEERA

Eguarbitza garbitzera irtengo dira bihar

O.E.

Aurten be Elgeta inguratzen daben mendixetan dagan ote, arantza eta bedarrak garbitzeko urteeria antolatu dau Basarritarren batzordiak. Bihar izango da urteeria, goizeko bederatziretan plazan urten eta Eguarbitza aldera jango dira. Aurten be hori inguruoi aukeratu dabe eta garbitzeko.

Aurreko urteetan moduan, aurten be jente dexente gerturatuko dala espero dabe Basarritarren batzordekuek. Izan be, Eguarbitza ingurua ote eta arantzaz beteta dago eta nahikua lan egongo da danontzako. Ahal dabanak erreminta eruateko eskatu dabe batzordetik.

Mendixa garbitu eta gero bazkarixa egingo dabe horretan jardun daben lagunek.

AIXOLAKO BEDIA KONPONTZEKO ASMUA

Astelehenian egin zeben Basarritarren batzordian Aixolako presako bidian konponketak egitteko dagon asmua izan zan gai eztabaidatuenetakua. Aixolako auzokuek proposatu dabe eurak egingo dituela konponketok. Eta horretarako bihar dan materiala eurak ordainduko dabe. Aixola Goikuaren eta Urbedeinkatuaren arteko bidia konpontzia da asmua. Horretarako Urkontzorziuan baimena bihar dabe, bidia presiaren onduan dago eta.



GOIBEKOKALE

Eguarbitza inguruak garbitzeko urteeria antolatu dau Basarritarren batzordiak.

ERRETRATU ZAHARRA

Jesus
Haurtxoaren
Eskola, 1945

Garai baten, Jesus Haurtxoaren Eskola zegoen gaur egun Mizpirualde egoitza dagoen tokian. Bergarako eta inguruko herrietako neskatila asko eta asko igaro ziren eskola hartatik, mojekin ikasteko. Alboko argazkia 1945ean ateratakoa da eta lau belaunaldi ezberdinetako neskak ikus ditzakezue bertan. Horra hor zeintzuk diren, ezkerretik eskumara:

Lehen ilaran (jarrita): Mari Tere Bakaikoa, Bittori Ruiz, Maria Jesus Basabe, Mari Tere eta Ana Mari Laskurain, Mariasun González, Tere García, Consuelo Ibarra, Nuria eta Arantxa Díaz de Zerio eta Sor Josefa.

Bigarren ilaran: Mari Karmen Leturia, Begoña Ibartzabal, Arantxa Lazpiur, Kontxita González, Maria Dolores Arizabaleta, Rosa Mari Abajo, Marisol Muxika, Begoña Madariaga, Vega Biziola, Rosa Mari Larrañaga, Marili Altuna, Bego eta Mila Gallastegi eta, aurrean, Mariasun Lazpiur, Elisa Asenjo eta Kontxi González.

Hirugarren ilaran: Mariluz Zurba-



no, Mariasun Gardoki, Maria Angeles Ruiz, Isabel Gallastegi, Margarita Ezpeleta, Manoli Ubierna, Susana Quintana, Maite Suinaga, Mari Paz Jauregi eta Sor Eufemia.

Laugarren ilaran: Sor Encarnación, Mari Glori Lazpiur, Arantxa Arregi, Feli Suinaga, Sor Amalia (Ama Nagusia), Arantxa Egaña, Lide Oregi,

Maria Pilar Iturbe, Itziar Ezpeleta eta Martitxu Irastorza.

5. ilaran: Sor Rosario, Esther Farrás, Mari Lourdes Eguren, Miren Suinaga, Estefania Aragón, Agripina eta Juanita Ibañe eta Sor Prudencia.

Argazkia: Maite Suinaga

ADI IRAKURLE!

Zure erretratu zaharra argitaratzea nahi izanez gero, zatoz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

NOLA ALDATU DIREN GAUZAK

Arrizuriaga
jauregia
udalaren esku

Hainbat urtean Ertzaintzaren komisaria egon da Arrizuriaga jauregia, aurtengo udaberri arte, hain zuzen. Bergarako Udalak eraikina erosi zion Jaurlearitzako Barne Sailari eta, Arrizuriaga zertarako erabiliko den erabaki bitartean, Jardun elkarteari jauregiko hainbat lokal utzi dizkio Udalak. Jardunen ikastaroak hantxe emango dituzte aurtien.



≈ 1994

Duela urte gutxira arte, Arrizuriagako kanpoko aldeak itxura eskasa zuen. Hesia aldatu eta hainbat konponketa egin zituzten.



2002

Udalak Arrizuriaga erosi zuen, eta Udaleko agintariak etorkizunean Udal Liburutegia hantxe kokatzeko aukera aztertzen ari dira.



Zumelaga
JATETXEA

60 urte zuen zerbitzura!

San Antonio 5. BERGARA. 943 76 20 21



**JAUJA
KIROLAK**

Irizar 2. BERGARA
943 76 14 95



BONOFOTOA



MIGUEL ANGEL ELKOROBEREZIBAR

Bi harmarri horiek kale berean daude. Zein kaletan?

PINTORE BERGARARRAK GAUR


Karlos Galarraga

EDU MENDIBIL

Gaztetxo zela hasi zen Karlos (Bergara, 1968) Mari Paz Alustizaren pintura eta marrazketa eskolak jasotzen. Handik urte batzuetara, lanean ziharduela, lana utzi eta Leioan Arte Ederrak ikasten hasi zen: "Ikasi baino gehiago, gauzak ikusten, margotzerakoan burua erabiltzen ikasten da". Pintura espezialitatea egin zuen, eta gazteei zuzendutako Hasiberriak lehiaketan Karlosen lanak nabarmendu zituzten hainbat aldiz. Orain, nahi baino gutxiago pintatzen du: "Lanagatik eta aste bukaeretan margotzen dut, Bearteko lokalean. Niretako, saltzeko asmo barik pintatzen dut. Udan Tarifan izan naiz, eta gustura ibili naiz hango paisaiak margotzen. Paisaiak eta egunkarietatik hartutako irudiak oinarri hartu eta koloreen artean sortzen diren harremanak atsegin ditut. Margolan sinpleak dira, formatu handikoak gehienak".

Azken erakusketa duela bi urte egin zuen. Pinturatik bizi izatea ia ezinezkoa dela dio: "Norberaren obra zabaldu arren, zaila da merkatuan sartzea, eta ez zait gustatzen galeristen mende egon behar izatea".

"Koloreen artean sortzen diren harremanak lantzea atsegin dut margolanetan"



E.M.

GALDEDEBALDE

1.

Zein da Donostiako Udal Txistulari Bandaren zuzendaria?

- A/ Jose Ignazio Ansorena.
- B/ Aitor Arozena.
- C/ Jose Antonio Altuna.

2.


Nork egin zuen Erretiratuen Kultur Hamabostaldiko hasiera hitzaldia?

- A/ Vicente Madozek.
- B/ Enrique Arriolak.
- C/ Patxi Leturiak.

3.

Bergarako zein pilotalekutan jokatu da binakako pala txapelketa?

- A/ Arbiaska.
- B/ Osintxu.
- C/ Elorregi.



Super BMk emandako 30 euroko erosketa-txartela zozketatuko du BERRIGARAK asmatzaileon artean!

AURREKO ZENBAKIKO IRABAZLEA

CARLOS ZENGOTITABENGOA rendako izan da 30 euroko erosketa-txartela.

Zorionak, Carlos!

Galderen erantzun zuzenak: Bonofotoa: Erroterdi / Galde debalde: 1-B, 2-C, 3-A.



BONOFOTOA

GALDE DEBALDE 1/ 2/ 3/

Ekarri txartela MARTITZEN EGUERDIRAKO BERRIGARARA!

IZEN-DEITURAK

TELEFONOA


Urzante oliba-patsaren olioa

Litro bateko botila.

1€

166 pezeta

Super BMn beti eskaintzarik onenak!



Ur~bide
ITURGINTZA

Zubieta, 28-behea. BERGARA. 943 76 00 57. 630 261 617

BERGARAN
BULEGO BERRIA



INMOBILIARIA

BERGARA
Ibargarai 3.
943 76 97 97

LEGAZPI
Santikutz 8.
943 73 05 25

10 URTEKO
ESPERIENTZIA!

IRURAK MARGOAK
DISEINUAK, S.L.

Era guztietako lanak Paper pintatuak
Moketa eta sintasola Harea zorrotada
Iztuku esponjatua Iztuku faltsua

Aitziturri 6 • 95 posta kutxa • 20570 Bergara

Telefonoak: 943 76 09 32 / 610 259 983 / 984
Faxa: 943 76 09 32



Guipuzcoana Euro Express: Nazio eta Europa mailako paketeria garraioa

San Juan Erreka z/g Elgeta bidea. Bergara - Tel. 943 763 642 - Faxe 943 765 425

